



Publicaziuns dalla vischnaunca, jamna 19

Votaziuns federalas e votaziun cantunala dils 19 da matg 2019

L'urna principala en casa communal ei aviarta sco suonda:

Dumengia, ils 19-5-2019, 9.00–11.00

La documentaziun da votar duess mintga votant/a haver obteniu. Cass cuntrari san ins s'annunziar immediatamein, denton **sil pli tard entochen venderdis, ils 17 da matg 2019, allas 17.00**, tier l'administraziun communal (tel. 081 920 36 36).

Levgiament da votar

Mintga votant/a ha la pussevladad da dar giu sia vusch a scret. En gliez mument sto el/ella observar il suandont:

1. Emplenir ora ils cedels da votar a maun e metter quels en la cuviarta da votar grischa e serrar giu ella.
2. Metter la cuviarta da votar grischa ensemen cun il certificat dil dretg da votar suttascret en la cuviarta alva, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communal saveis Vus tarmetter cun posta (supplicau da francar) ni directamein fierer en la scaffa da brevs dalla casa communal.

Ils cedels da votar ston esser sil pli tard la dumengia, ils 19 da matg 2019 allas 11.00 tier l'administraziun communal. Aschinavon ch'ei vegn buca risguardau sura instrucziuns da votar, ein ils cedels da votar nunvaleivels.

Suprastonza communal

Via d'uau Punt da Brulf–Fontanivas Serrada dalla via

Muort las lavurs da construcziun per slargar e rinforzar la via d'uau sto quella vegnir serrada per tut traffic motorisau sil tschancun naven dalla Punt da Brulf entochen tier il stan da sittar a Sars–Fontanivas. Per pedunzs e velocipedists ei il passadi adina pussevvels. Las lavurs da construcziun cuozan entochen miez fenadur 2019. Per sclariment stat il biro da planisaziun Enzler Bauleitungen, telefon 081 250 35 35 ni il selvicultur da revier Simon Cathomen, telefon 081 920 36 41 bugen a disposiziun. Nus supplichein da prender enconuschientscha da quests avis.

Bien engraziament per la capientscha.

Disentis/Mustér, ils 13 da mars 2019

Uffeci forestal Disentis/Mustér

Nova lescha d'agricultura, novas contractivas

Ils contracts davart gudiments da pastira e d'alpegiazun vegnan revedi ed adattai allas novas prescripziuns.

Invitaziun als purs dalla vischnaunca Disentis/Mustér

Cu? **Gievgia, ils 16 da matg 2019**

Nua? Gassa da Cuoz 1, luvratori communal, 2. alzada

1. part 9.00–10.30 per gudida da pastira a: Mumpé Tujetsch - Cunel – Prau Sura – Bostg – Val da Cuoz - Val da Segnas – Stgeinas – Val da Peisel - Caischavedra
2. part 10.30–11.00 per gudida da pastira a: Val Acletta – Pardi – Stavel – Alp Magriel
3. part 11.00–11.30 per gudida da pastira a: Val Clavianiev – Crap Furau – Platta Lada
4. part 13.00–14.30 per gudida da pastira a: Val S. Placi – Turatscha – Raveras – Fontanivas – Cavardiras – Plaun Valentin – Protistein
5. part 14.30–15.30 per gudida da pastira a: Disla – Pardomat – Madernal – Barcuns
6. part 15.30–16.30 per gudida da pastira a: Mumpé Medel – Fontauna – Plaun Tiatscha – Vergera

Departament d'agricultura dalla vischnaunca da Mustér



Controlla da habitonts

Mortori

Marie Theres Deflorin-Lutz, naschida ils 30 da matg 1952, morta ils 4 da matg 2019.

Naschientscha

Alina Bigliel, naschida ils 3 da matg 2019 feglia da Seraina ed Adrian Bigliel

«Café rumantsch» a Mustér

Venderdis, ils 10 da matg 2019 allas 20.00 ella caffetteria dil Center da sport e cultura cun Hubert Giger, schurnalist, autor e historicher. Nus discurren cun Hubert Giger davart la persecuziun dallas strias. Einheimische, Zweitheimische, Zugezogene und Gäste treffen sich regelmässig zum rätoromanischen Austausch. Cordial beinvegni
Lia Rumantscha e Gion Hosang, menader

Biblioteca populara Disentis/Mustér e contuorn

Oz en la biblioteca

Kino da cudischs da maletgs cun Mats, la miur Has ti plascher da vegnir en biblioteca e tedlar marvegliusas historias ord cudischs da maletgs?

Mintga secund venderdis dil meins allas 14.30 legin nus avon e mussein vid ina gronda preit ils maletgs ord in cudisch da maletgs.

L'occurrenza cuoza ca. in'ura ed ei adattada per tut ils affons che san gia tedlar tier bein. Naturalmein astgas ti era prender cun tei tia mumma ni in'otra persuna.

Nus selegrein zun fetg sin tei! Cun ils pli cars salids *Mats, la miur ed il team* dalla Biblioteca populara Disentis/Mustér e contuorn

Seniora-CaNorta

Invitaziun Seniora-CaNorta (star da cumpignia – giugs – raschunar). Gievgia, ils 16 da matg 2019.

Il liug da sentupada per seniors/senioras, allas 12.15 meisa da miezdi (mira giusut) ni allas 13.45 star da cumpignia, discuers, giugs: troccas, jass, sudoku... ni pli tard per ina cuorta sentupada. Meisa da miezdi organisada da Senioraa-Ca e Puntreis

Entschatta: allas 12.15 en Puntreis

Gentar cun treis tratgas inclusiv 3 dl aua dalla spina ed in caffè. Annunzia entochen allas 9.00 dil di alla Puntreis (tel. 081 929 56 56)

La meisa da miezdi ei aviarta per mintgin/a.

Post d'informaziun Seniora-Ca

Uniun samaritana Mustér

Caras samaritanas, cars samaritans, nies proxim exercezi ha liug **gliendisdis, ils 13 da matg 2019** allas 19.30 giu Raveras tier la fatschenta Sabbadini. Igl exercezi ha per part liug ordaviert, perquei sevestgi adequat e prendei cun ina cazzola da sac. Persunas che han interess e vulan inagada fuffergnar tier nus ein cordialmein envidadas. A stedia participaziun envida

Uniun samaritana Mustér, Martina



Concert: «Krar – in viadi ad Eritrea» – eine Reise nach Eritrea

Gievgia, ils 16 da matg 2019, Center sursilvan d'agricultura, Disentis/Mustér.

Krar – in instrument da trer, che vegn cunzun sunaus ell'Eritrea ed Etiopia. Samuel Mesfin suna sia Krar fin, melancolic. Tier la musica conta el texts el lungatg Tigrinya e Tigre. Offriu vegn te dad Eritrea, star da cumpagnia e discuors interculturalas.

Krar – das ist ein Zupfinstrument, das vor allem in Eritrea und Äthiopien gespielt wird. Samuel Mesfin spielt seine Krar sanft, melancholisch. Dazu singt er Texte in den Sprachen Tigrinya und Tigre. Dazu gibts eritreischen Tee, gemütliches Beisammensein und interkulturelle Gespräche.

Organisaziun: Forum intercultural Mustér FIM, portas aviartas naven dallas 19.30, entschatta allas 20.00, entrada libra, collecta.
